

Lambardi, Girolamo (Hieronymus). *Antiphonarium vespertinum dierum festorum totius anni . . . prima pars . . .* Venezia, Caenobio Sancti Spiritus. 1597. RISM L366.

Title:

ANTIPHONARIVM
 VESPERTINVM
 DIERV M FESTORVM TOTIVS ANNI
 iuxta ritum Romani Breuiarij iussu Pij V. reformati,
 nunc nuper pulcherrimis contrapuntis
 exornatum atque auctum.
 A REVERENDO D. HIERONYMO
 LAMBARDO
Canonico Regulari sancti Spiritus prope Venetias.
 IN TRES PARTES DISTRIBVTVM
 quarum vna complectitur dies festos domini, altera
 Proprium sanctorum, tertia Commune.
 PRIMA PARS.
 CVM PRIVILEGIO, ET LICENTIA SVPERIORVM.

[Woocut of seated Madonna surrounded by twelve disciples and dove of Holy Spirit overhead]
 Impressum in Caenobio Sancti Spiritus prope Venetias.

M. D. X C V I I.

Dedication:

ILL.^{MO} ET REV.^{MO} MARCO CORNELIO | EPISCOPO PATAVINO. | D.
 HIERONYMVS LAMBARDVS | SVMMAM FELICITATEM | A D.O.M. PRECATVR. |

ET si multi quotidie ditissimi, eloquentissimique viri & eximio tui generis splendore, & humanissimis tuis moribus, & incredibili tua doctrina, pietate, religione capti: in amplissimum tuarum laudum theatrum, vt propensæ suæ erga te voluntati aliqua certe ex parte satisfaciant, ingrediuntur: omnes tamen eò contentos inde egredientes cerno, quòd cum rem omnium iudicio difficillimam se ausos animaduertant: vel in prima arena deficere, cadere, vinci honestissimum putant, & iure quidem optimò: ijs, enim cum fortunæ, vt aiunt, & naturæ, tum singularis industriæ, atque ornatissimi animi luminibus tu vnus splendes, quibus | vix millesimus quisque felicissimus homo potest gloriari. Quod quidem licet illi omnes, qui te | bene norunt, vnà mecum ingenue confiteantur, & quantum apud omnes suauissimis gratiæ igni-bus valeas testificentur: neminem tamen in toto terrarum orbe esse puto, qui mihi præclaro hoc | in certamine sit recte conferendus: nam, si te ceteri prædicant, amant, colunt, obseruant, venerantur: ea ego te animi propensione, alacritate, vi admiror; eamque voluptatem ex huiusmodi percipio admiratione, vt me mihi ipse blandissime surripi, mentemque meam totam, & cogitationes omnes in potestate tua esse sentiam. Quare non ceteros ego, qui suas tibi aut dicarunt, aut tuendas commendarunt lucubrationes, imitabor: non tibi me meum hoc Antiphonarium aut dicasse, aut tuendum commendasse: sed vel iamdiu debitum, persoluisse; vel depositum reddidisse, affirmabo:

nam si tua est arbor, cui debentur fructus, si non tibi iustissime debentur? | Illud vnum acerbe, & grauer ferre, mulcas has Cantiones, & si sacre sunt, & propterea non | plane te Episcopo religiosissimo, & augustissima tua Basilica indignæ: non ea tamen arte, non | ijs numeris, & modis esse contextas, unde concentus & te, qui plurimum Musica delectaris, ac | poles, & tuis cantoribus, quos maximo tuo ære hinc, illincque Patauium in Cathedralem tuam | Ædem accerfis, digni emanent. Tuæ tamen sunt; & tibi vni multo antequam in lucem prodirent, addictæ. Quamobrem tua, quæcumque sint, amplectere, tuere, defende, orna. Quod | sane tum facillime, cumulatissimeque præstiteris, cum ex ingenti tuarum virtutum numero, & | e summa mea erga te obseruantia, & admiratione effluxisse, memineris. Viue nostræ ætatis. | Mæcenæ, & decus: vt & Patauina Diocesi, & Corneliæ maiestati, & bonis omnibus, & mihi etiam optimus ille viuat Antistes, cui multo sane plures dignitates meritissimo debentur, quàm | vel maxima quæque mortalium auctoritas possit tribuere. Venetijs Kal. Martij. 1597. | [orn.] |

Index Prima Pars:

INDEX EORVM, QVÆ IN HOC
VOLVMINE CONTINENTVR.

In Natiuitate Domini, in primis vesperis.
in secundis vesperis.
In festo sancti Stephani, ad Magnificat.
In festo sancti Ioannis, ad Magnificat.
In festo Sanctorum Innocentium, ad Magnificat.
In Circumcisione Domini, in vtrisque vesperis.
In octaua sancti Stephani, ad vespas.
In octaua sancti Ioannis, ad vespas.
In octaua Sanctorum Innocentium, ad vespas.
In Epiphania Domini, in vtrisque vesperis.
In Sabbato Sancto, ad vespas.
In Resurrectione Domini.
In Sabbato in Albis, ad Magnificat.
In Dominica in Albis.
In Ascensione Domini, in vtrisque vesperis.
In festo Pentecostes.
In festo S. Trinitatis, in vtrisque vesperis.
In festo Corporis Christi, in vtrisque vesperis.
[orn.]

Contents Prima Pars:

In Natiuitate Domini. In Primis Vesperis.

Rex pacificus: Magnificatus est cuius vultum desiderat uniuersa terra.
Magnificatus est: Rex pacificus super omnes reges uniuersæ terræ.
Completi sunt dies Mariæ: Vt pareret filium suum vnigentum.

Scitote: Quia prope est regnum Dei amen dico vobis quia non tardabit.
 Leuate capita vestra: Ecce appropinquat redemptio vestra.
 Ad Magnificat. Dum ortus: Fuerit Sol de cælo videbitis regem regum procedentem a patre tanquam sponsum de thalamo suo.

In Natiuitate Domini. In Secundis Vesperis.

Tecum principium: In die virtutis tuæ in splendoribus sanctorum ex vtero ante luciferum genuite.

Redemptionem: Misit dominus populo suo mandauit in æternum testamentum suum.

Exortum est: In tenebris lumen rectis corde misericors et miserator et iustus dominus.

Apud dominum: Misericordia est et copiosa apud eum redemptio.

De fructu: Ventris tui ponam super sedem tuam.

Ad Magnificat. Hodie: Christus natus est hodie Saluator apparuit hodie in terra canunt angeli lætantur archangeli hodie exultant iusti dicentes Gloria in excelsis deo alleluia.

In Festo Sancti Stephani.

Pro S. Stephano comme. Stephanus autem: Plenus gratia et fortitudine faciebat signa magna in populo.

Ad Magnificat. in Secundis Vesperis. Sepellerunt Stephanum: Viri timorati et fecerunt planctum magnum super eum.

In Festo Sancti Iohannis.

Pro S. Johanne comme. Iste est Johannes: Qui supra pectus domini in cæna recubuit beatus apostolus cui reuelata sunt secreta cælestia.

Ad Magnificat in Secundi Vesperis. Exijt: Sermo inter fratres quod discipulus ille non moritur et non dixit Jesus Non moritur sed Sic eum volo manere donec veniam.

In Festo Innocentum.

Pro Innocentibus comme. Hij sunt: Qui cum mulieribus non sunt coinquinati virgines enim sunt et sequuntur agnum quocumque ierit.

Ad Magnificat in Secundi Vesperis. Innocentes pro Christo: Infantes occisi sunt ab iniquo rege lætentes interfecti sunt ipsum sequuntur agnum sine macula dicunt semper gloria tibi domine.

In Circuncisione Domini. In Vtrisque Vesperis.

O Admirabile commercium: Creator generis humani animatum corpus sumens de virgine nasci dignatus est et procedens homo sine femine largitus est nobis suam deitatem.

Quando natus es: Ineffabiliter ex virgine tunc impletæ sunt scripturæ sicut pluuia in vellus descendisti vt saluum faceres genus humanum te laudamus Deus noster.

Rubum quem viderat Moyfes: In combustum conseruatam agnouimus tuam laudabilem virginitatem Dei genitrix intercede pro nobis.

Germinauit radix Jesse: Orta est stella ex Jacob virgo peperit Saluatorem te laudamus
Deus noster.

Ecce Maria: Genuit nobis Saluatorem quem Johannes videns exclamauit dicens Ecce
agnus Dei ecce qui tollit peccata mundi alleluia.

Ad Magnificat in Primis Vesperis. Propter nimiam: Charitatem suam qua dilexit nos
Deus filium suum misit in similitudinem carnis peccati alleluia.

Ad Magnificat in Secundis Vesperis. Magnum: hereditatis mysterium templum Dei
factus est uerus nesciens virum non est pollutus ex ea carnem assumens omnes gentes
uenient dicentes Gloria tibi domine.

In Oâtaua S. Stephani.

Lapidauerunt Stephanum: Et ipse inuocabat dominum dicens ne statuas illis hoc
peccatum.

Lapides torrentis: Illi dulces fuerunt ipsum sequuntur omnes animæ iustæ.

Adhæsit anima mea post te: Quia caro mea lapidata est pro te deus meus.

Stephanus: Vidit cælos apertos vidit et introiuit beatus homo cui cæli patebunt.

Ecce video: Cælos apertos et Iesum stantem a dextris virtutis Dei.

In Oâtaua S. Iohannis.

Valde honorandus est: Beatus Johannes qui supra pectus domini in cæna recubuit.

Hic est discipulus ille: Qui testimonium perhibet de his et scimus quia verum est
testimonium eius.

Hic est discipulus meus: Sic eum volo manere donec veniam.

Sunt de hic stantibus: Qui non gustabunt mortem donec videant filium hominis in regno
suo.

Ecce puer meus: Electus quem elegi posui super eum spiritum meum.

In Oâtaua SS. Innocentum.

Herodes iratus: Occidit multos pueros in Bethlehem Judæ civitate Dauid.

Abimatu et infra: Occidit multos pueros Herodes propter dominum.

Angelis eorum: Semper vident faciem patris.

Vox in rama audita est: Ploratus et ululatus Rachel plorans filios suos.

Sub throno dei: Omnes sancti clamant Vindica sanguinem nostrum deus noster.

In Epiphania Domini. In Vtrifque Vesperis.

Ante luciferum genitus: Et ante sæcula dominus nauator noster hodie mundo apparuit.

Venit lumen tuum: Ierusalem et gloria domini super te orta est et ambulabunt gentes in
lumine tuo alleluia.

Apertis thesauris suis: Obtulerunt Magi domino aurumtus et myrrham alleluia.

Maria et flumina: Benedicite dominum hymnum dicite fontes domino alleluia.

Stella ista: Sicut flamma coruscat et regem regum Deum demonstrat Magi eam viderunt et
magno regi munera obtulerunt.

Ad Magnificat in Primi Vesperis. Magi: Videntes stellam dixerunt adinucem hoc signum magni regis est eamus et inquiramus cum et offeramus ei munera aurumtus et myrrham.

Ad Magnificat in Secundis Vesperis. Tribus miraculis: Ornatum diem sanctum colimus hodie stella Magos duxit ad præsepium hodie vinum ex aqua factum est ad nuptias hodie a Johanne Christus baptizari voluit vt saluaret nos alleluia.

In Sabbato Sancto. Ad Vesperas.

Alleluia: Alleluia Alleluia.

Ad Magnificat. Vespere autem sabbathi: Quæ luce scit in prima sabbathi venit Maria Magdalene et altera Maria videre sepulcrum alleluia.

In Resurrectione Domini.

Angelus autem domini: Descendit de cælo et accedens reuoluit lapidem et sedebat super eum alleluia

Et ecce terremotus: Factus est magnus angelus enim domini descendit de cælo alleluia.

Erat autem: Aspectus eius sicut fulgur vestimenta eius sicut nix alleluia.

Præ timore autem eius: Exterriti sunt custodes et facti sunt velut mortui alleluia.

Respondens autem angelus: Dixit mulieribus nolite timere scio enim quod Jesum quæritis alleluia.

Loco Cap. et Hym. canitur. Hæc dies: Quam fecit dominus exultemus et lætemur in ea.

Ad Magnificat. Et respicientes: Viderunt reuolutum lapidem erat quippe magnus valde alleluia.

In Feria ii. Qui sunt hi sermones: Quos confertis ad inuicem ambulantes et estis tristes alleluia.

In Feria iii. Videte manus meas: Et pedes meos quia ego ipse sum alleluia.

In Sabbatho in Albis.

Ad Magnificat. Cum esset fero die illa: Una sabbatorum et fores essent clausæ ubi erant discipuli congregati in unum stetit Jesus in medio et dixit eis Pax vobis alleluia.

In Dominica in Albis.

Alleluia: Alleluia alleluia.

Ad Magnificat. Post dies octo: Ianuis clausis ingressus dominus dixit eis Pax vobis alleluia.

In Ascensione Domini. In Vtrisque Vesperis.

Viri Galilaei: Quid aspicitis in cælum Hic Jesus qui assumptus est a vobis in cælum sic veniet alleluia.

Cumque: Intuerentur in cælum euntem illum dixerunt alleluia..

Eleuatis manibus: Benedixit eis et ferebatur in cælum alleluia.

Exaltate: Regem regum et hymnum dicite deo alleluia.

Videntibus illis: Eleuatus est et nubes suscepit eum in cælo alleluia.

Ad Magnificat in Primis Vesperis. Pater: Manifestaui nomen tuum hominibus quos dedisti mihi nunc autem pro eis rogo non pro mundo quia ad te venio alleluia.

Ad Magnificat in Secundis Vesperis. O Rex gloriæ: Domine uirtutum qui triumphator hodie super omnes cælos ascendisti ne derelinquas nos orphanos sed mitte promissum patris in nos spiritum ueritatis alleluia.

In Festo Pentecostes.

Dum complerentur: Dies pentecostes erant omnes pariter in eodem loco alleluia.

Spiritus domini. Repleuit orbem terrarum alleluia.

Repleti sunt: Omnes spiritu sancto et cæperunt loqui alleluia.

Fontes et omnia: Quæ mouentur in aquis hymnum dicite Deo alleluia.

Loquebantur: Varijs linguis apostoli magnalia Dei alleluia.

Ad Magnificat in Primis Vesperis. Non vos relinquam orphanos: Alleluia vado et venio ad vos alleluia et gaudebit cor uestrum alleluia.

Ad Magnificat in Secundis Vesperis. Hodie completi sunt: Dies Pentecostes alleluia hodie spiritus sanctus in igne discipulis apparuit et tribuit eis charismatum dona misit eos in uniuersum mundum prædicare et testificari qui crediderit et baptizatus fuerit saluus erit alleluia.

In Feria ii. Si quis diligit me: Sermonem meum seruabit et pater meus diliget eum et ad eum veniemus et mansionem apud eum faciemus alleluia.

In Feria iii. Pacem relinquo vobis: Pacem meam do vobis non quomodo hic mundus dat ego do vobis alleluia.

In Festo S. Trinitatis. In Vtrisque Vesperis.

Gloria tibi Trinitas: Aequalis vna deitas et ante omnia sæcula et nunc et in perpetuum.

Laus et perennis gloria: Deo patri et filio sancto simul paraclito in sæculorum sæcula.

Gloria laudis: Resonet in ore omnium patri genitæque proli spiritui sancto pariter resulet laude perenni.

Laus deo patri: Parilique proli et tibi sancte studio perenni spiritus nostro resonet ab ore omne per æuum

Ex quo omnia: Per quem omnia in quo omnia ipsi gloria in sæcula.

Ad Magnificat in Primis Vesperis. Gratias tibi deus: Gratias tibi vera vna Trinitas Vna et summa deitas Sancta et vna vnitas.

Ad Magnificat in Secundis Vesperis. Te deum patrem in genitum: Te filium unigenitum te spiritum sanctum paraclitum sanctam et indiuiduam Trinitatem toto ore et corde confitemur laudamus atque benedicimus tibi gloria in sæcula.

In Festo Corporis Christi. In Vtrisque Vesperis.

Sacerdos in æternum: Christus dominus secundum ordinem Melchisedech panem et vinum obtulit.

Miseratur dominus: Escam dedit timentibus se in memoriam suorum mirabilium.

Calicem: Salutaris accipiam et sacrificabo hostiam laudis.

Sicut nouellæ oliuarum: Ecclesiæ filij sint in circuitu mensæ domini.

Qui pacem: Ponit fines ecclesiæ frumenti adipe satiat nos dominus.

Ad Magnificat in Primis Vesperis. O Quam suavis est domine spiritus tuus qui ut dulcedinem tuam in filios demonstra res pane suauissimo de cælo præfrito esurientes reple bonis fastidiosos diuites dimittens inanes.

Ad Magnificat in Secundis Vesperis. O sacrum conuiuium: In quo Christus sumitur recolitur memoria passionis eius mens impletur gratia et futuræ gloriæ nobis pignus datur alleluia.

Choirbook:

PRIMA PARS. A-L⁶, M² 136pp. (68 folios). Dedication. Index. [2 blank pp. at end]

Remarks:

Secondo format. Copy consulted: **D**-Mbs (microfilm). RISM L366.